

《淨土十疑論》 補充講表

◎附表四：

○夫不生不滅者，於生緣中，諸法和合，不守自性：去無所至，故言不滅。

*以遮詮表詮來詮顯諸法實相（中道第一諦）：不生不滅

遮詮：即從反面作否定之表述，排除對象不具有之屬性，以詮釋事物之義者。如對真如自性否定的詮顯，叫非一非異，不生不滅等。

表詮：乃從正面作肯定之表述，以顯示事物自身之屬性，而論釋其義者。如對真如自性肯定的詮顯，叫實相、法身等。

※《楞嚴經》卷二云：「如是乃至五陰、六入，從十二處，至十八界，因緣和合，虛妄有生，

因緣別離，虛妄名滅。殊不能知生滅去來，本如來藏，常住妙明，不動周圓，妙真如性。性真常中，求於去來、迷悟、生死，了無所得。」

※《楞嚴經文句》卷二云：「一心具足染淨種子為因，染淨諸法以為其緣，心外別無染淨諸法染淨法外，亦別無心。不了稱迷，對迷說悟。迷故非染成染，悟故非淨成淨。若迷染因緣和合，虛妄有九法界相生，則佛法界之相隨滅。若迷染因緣別離，虛妄名九法界相滅，則佛法界之相隨生。若修德始覺有功，悟淨因緣和合，虛妄有佛法界相生，則九法界之根隨滅。若性德真如不守自性，悟淨因緣別離，虛妄名佛法界相滅，則九法界之相隨生。」

※《楞嚴經講義》云：「以身、心、世界，乃屬依他起性，從緣生滅，虛妄無體；然當知妄不離真，全體即是圓成實性。按唯識三性解，依他起性如繩，圓成實性如麻，繩依麻有，故曰：依他，離卻麻即無繩可得。若於依他法上，不瞭如幻，更起遍計執性，如夜間見繩，認作是蛇。遍計執性，情有理無；依他起性，相有性無；相有是幻有，性無乃本無，此明無性之

性，即如來藏性。生滅去來，乃指心與器界，似有生滅之相；眾生根身，似有去來之相；相依性起，不離當處，如空華、鏡像、夢境，華性即是空性，像體即為鏡體，夢人本屬醒人，眾生迷而不覺，故曰：【殊不能知，身心世界，生滅去來之相，本即如來藏性也。】

※《楞嚴經文句》卷二云：「問曰：九界之相，可名為妄；佛界妙相，全合性真，云何亦名為妄？答曰：對迷說悟，對染說淨，其體雖真，其名則妄。譬如演若達多，忽悟本頭，非從外得；頭雖是實，而悟得兩字，全無實法，不過因於迷失而言之耳。所謂【言妄顯諸真，妄真同二妄】。此之謂也。」

○非謂因緣生外，別有不生不滅。亦非不求生淨土，喚作無生。

◆《淨土生無生論講義》云：「當知心具心是，即三諦之性德也，亦即淨土無生之理體也；心造心作，即三觀之修德也，亦即求生淨土之事用也。」

※《華嚴經》卷十九云：「心如工畫師，能畫諸世間，五蘊悉從生，無法而不造」。

※《印光大師文鈔菁華錄》云：「心具者，自心原具此理；心造者，依心具之理而起修，則此理方能彰顯，故名為造。心具即理體，心造即事修。心具，即是心是佛；心造，即是心作佛。是心作佛，即稱性起修。是心是佛，即全修在性。修德有功，性德方顯。雖悟理而仍不廢事，方為真修。否則便墮執理廢事之狂妄知見矣。」

○諸法不自生，亦不從他生，不共不無因，是故知無生。

※《靈峰宗論》卷二之二云：「《中論偈》云：【諸法不自生，亦不從他生，是故知無生。】

諸法者，廣言之，百界千如。略言之，佛法，眾生法，心法也。雖心佛眾生，三無差別。但佛法太高，生法太廣，初機之人，觀心為易。但諦觀現前一念介爾之心，若自生，何藉境？若他生，何關自？各既不生，合云何有？合尚叵得，離何能生？仔細簡責，心之生相安在？心既無生，豈非竟不可得？盡大地是個自己！心外更無別法。」

○「雖知諸佛國，及與眾生空，而常修淨土，教化諸群生。」

※《佛說無量壽經》卷下云：「覺了一切法，猶如夢幻響，滿足諸妙願，必成如是刹。」

※《佛說無量壽經》卷下云：「通達諸法性，一切空無我，專求淨佛土，必成如是刹。」

※《佛說無量壽經》卷下云：「

猶如虛空，於一切有無所著故；猶如蓮華，於諸世間無染污故。

猶如大乘，運載群萌出生死故；猶如重雲，震大法雷覺未覺故。」

※《維摩詰所說經》·菩薩行品云：「觀於無我，而誨人不倦；觀於寂滅，而不永寂滅；觀

於遠離，而身心修善；觀無所歸，而歸趣善法；觀於無生，而以生法荷負

一切；觀於無漏，而不斷諸漏；觀無所行，而以行法教化眾生；觀於空無，

而不捨大悲；觀正法位，而不隨小乘；觀諸法虛妄，無牢無人，無主無相，

本願未滿，而不虛福德禪定智慧。修如此法，是名菩薩不住無為。」

○智者熾然求生淨土，達生體不可得，即是真無生，∴瞋他求生淨土，幾許誤哉！

※《淨土或問》云：「天台云：智者熾然求生淨土，達生體不可得，即是真無生；此謂心淨，故佛土淨。愚者，為生所縛；聞生，即作生解。聞無生，即作無生解。不知生即無生，無生即生也。長蘆曰：以生為生者，常見之所失也；以無生為無生者，斷見之所惑也。生而無生，無生而生者，第一義諦也。天衣曰：【生則決定生，去則實不去】。三家之說，其旨甚明。今余復以性相二字釋之。妙真如性，本自無生；因緣和合，乃有生相。以其性能現相故，曰：無生即生。以其相由性現故，曰：生即無生也。知此，則知淨土之生，惟心所生；無生而生，理何乖焉！」

◆《淨土或問》：元朝臨濟宗天如惟則禪師的著作。

◆長蘆（宗蹟（音則）禪師）：慈覺乃師之賜號，法名宗蹟，為宋代淨土宗、雲門宗高僧。

◆天衣（義懷禪師）云：「譬如雁過長空，影沉寒水。雁絕遺蹤之意，水無留影之心。」